

Kekalkan perpaduan bangsa cabaran terbesar



Ufuk
Minda

Bersama

Prof Dr Sidek Baba

B.H 21/08/07

MS 4

hasil tinggalan penjajah dapat diurus dengan baik. Cabaran yang terbesar bagi Melaya atau Malaysia sekarang ialah cabaran integrasi atau perpaduan di kalangan bangsa.

Muafakat dalam pembinaan negara dimulakan dengan menghasilkan suatu perlembagaan sering dihubungkan sebagai kontrak sosial. Kontrak sosial ini disepakati oleh semua kaum supaya ia menjadi suatu landasan yang lebih adil terhadap proses mengisi dan mengurus kemerdekaan.

Ia adalah suatu monumen sejarah keMelayuan Malaysia dan kemajmukan yang ada. Ia harus difahami generasi kini wajar ada asas tolak ansur berlaku dalam menerima taraf kewarganegaraan pendatang dan ada pengorbanan yang perlu diberikan oleh orang pribumi supaya keadaan majmuk berjalan secara harmoni.

Semangat kemerdekaan yang sudah tertanam hampir 50 tahun seharusnya menjadikan setiap warga negara Malaysia matang dan memahami harga integrasi atau perpaduan amat tinggi nilainya dalam memberi makna kestabilan dan bina negara.

Oleh itu, amat perlu jiwa watan atau patriotisme disuburkan di kalangan semua kaum supaya asas kesetiaan tetap teguh dan kuat. Tanpa asas ini makna perubahan dan kemajuan tidak akan memberi makna apa-apa.

Mengisi kemerdekaan mestilah ada kepupayaan berkongsi nilai baik yang ada pada masyarakat pribumi dan nilai ketamadunan yang ada di kalangan masyarakat bukan pribumi. Orang Melayu, Cina dan India um-

pamanya dewasa dalam pemikiran dan kebudayaan bersumberkan tamadun besar yang pernah wujud.

Keislaman yang mendasari jalur pembangunan dan kemajuan di Malaysia harus dihormati oleh bangsa lain. Islam pernah melahirkan tamadun besar dan dirujuk ilmunya oleh kuasa Barat untuk menjadikan mereka maju. Oleh itu, mengukuhkan elemen Islam dalam matlamat pembangunan dan perubahan adalah sesuatu yang baik kerana pada prinsipnya Islam mendidik manusia menjadi baik dan menghormati orang lain.

Pembangunan pendidikan, membasmi kemiskinan, menyusun semula masyarakat, pengalihan kekayaan negara secara seimbang, membanteras rasuah dan salah guna kuasa, membina dasar integriti dalam pentadbiran negara adalah langkah yang tidak bercanggah dengan prinsip Islam dan prinsip agama samawi atau agama falsafah yang juga menekankan kepentingan kemanusiaan.

Kemajuan sistem perbankan dan kewangan Islam umpamanya adalah contoh terbaik bagaimana sistem yang berasaskan syariah dapat diterima oleh orang Islam dan di kalangan yang bukan Islam.

Pendekatan seperti ini jika dapat disuburkan dalam sektor lain ia memberi asas kepercayaan dan kestabilan yang tinggi terhadap pengurusan kewangan dan ekonomi.

Dalam mengurus sistem keilmuan dan pendidikan pada setiap peringkat umpamanya asas agama, etika dan moral amat penting diberi keutamaan. Asas fundamental

dalam pendidikan Islam perlu diolah secara kreatif supaya pemahaman nilai rohaniah harus seimbang dengan faktor penghayatan dan amal.

Pada masa sama, nilai moral sewajarnya meneliti faktor nilai sejagat dan nilai bermanfaat yang ada pada budaya dan tamadun lain. Dari sini akan wujud pemahaman terhadap silang-budaya dan harus berkembang dialog peradaban dan dialog antara agama di kalangan pelajar pada tahap pengajian tinggi.

Pengenalan Pengajian Tamadun Islam adalah baik untuk pelajar semua kaum di institut pengajian tinggi awam di Malaysia dan Dialog Antara Tamadun yang dimulakan oleh Universiti Malaysia harus dikembangkan lagi ke institusi pengajian tinggi awam dan swasta supaya pemahaman terhadap agama dan budaya berlaku secara ilmu dan kefahaman.

Mengurus dan mengisi kemerdekaan dalam konteks negara Malaysia memerlukan modal insan yang tidak saja cenderung dalam dunia sains dan teknologi, komunikasi dan telekomunikasi, tetapi amat menuntut di kalangan mereka pemahaman terhadap nilai agama yang sifatnya universal dan nilai bersama yang baik dan boleh dikongsi.

Asas ini sekiranya dijadikan pedoman bagi setiap warga negara Malaysia, makna kemerdekaan bagi negara kita akan lebih terarah kerana di samping nilai kebendaan dan kekayaan yang dicari menjadikan nilai murni dan kemanusiaan sebagai pedoman terbaik untuk maju dan membangun.